

Broj: 03-36-1-1650-5/26 SA  
Datum, 26. 3. 2026. godine

BOSNA I HERCEGOVINA  
FEDERACIJA BOSNE I HERCEGOVINE  
VLADA FEDERACIJE BOSNE I HERCEGOVINE  
Hamdije Čemerlića 2  
S a r a j e v o

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primijeno:	27-03-2026		
Org. jed.	Broj	Priloga	Članak
05/1	-02-	100	26

n/r Editi Kalajdžić, tajnici Vlade

**PREDMET:** Odgovor na zastupničko pitanje Ivica Šarića, zastupnika u Zastupničkom domu Parlamenta Federacije Bosne i Hercegovine  
**VEZA:** Vaš akt broj: 03-04-555-11/2026 od 16. 3. 2026. godine

Poštovana gospođo Kalajdžić,

Federalnom ministarstvu kulture i športa je putem Vlade Federacije Bosne i Hercegovine dostavljeno zastupničko pitanje koje je uputio Ivica Šarić, zastupnik u Zastupničkom domu Parlamenta Federacije Bosne i Hercegovine, koje se odnosi na sljedeće:

„Molim da mi se u pisanoj formi dostavi informacija sa detaljnim obrazloženjem razloga dodijeljenih sredstava iz odluke o izboru korisnika sredstava Fondacije za muzičke, scenske i likovne umjetnosti za 2024. godinu, Sufinansiranje iz oblasti muzičkih, scenskih i likovnih umjetnosti – za fizičke osobe (3. 12. 2024. godine). Obrazloženje: Skrenuta je pažnja na određene nelogičnosti razloga dodjele sredstava a u objavljenoj odluci na stranici ministarstva, neke stavke su obrazložene tek samo u dvije riječi“

Stoga, dostavljamo sljedeći **odgovor**:

Budući da se predmetno zastupničko pitanje odnosi na postupak dodjele sredstava u 2024. godini koji je provela Fondacija za muzičke, scenske i likovne umjetnosti sukladno raspisanom Konkursu za izbor korisnika sredstava, Federalno ministarstvo kulture i športa obratilo se Fondaciji sa zahtjevom za dostavljanje odgovora na zastupničko pitanje s obrazloženjem. Odgovor Fondacije Vam prosljeđujemo u prilogu ovog dopisa, radi potpunog i neposrednog uvida u navode koji se odnose na predmetnu raspodjelu sredstava.

S poštovanjem,

  
**MINISTRICA**  
  
**Sanja Vlasiavljević**

**Privitak:** - Odgovor Fondacije za muzičke, scenske i likovne umjetnosti, broj: 04-3-24/26 od 24. 3. 2026. godine.

**Co:** Federacija Bosne i Hercegovine  
Parlament Federacije  
Zastupnički dom  
N/r: Ivana Miličevića, tajnika  
Hamdije Kreševljakovića 3, 71000 Sarajevo



FONDACIJA  
ZA MUZIČKE, SCENSKE  
I LIKOVNE UMJETNOSTI  
SARAJEVO

Broj: 04-3-24/26  
Sarajevo, 24.03.2026.godine

25-03-2026

Bosna i Hercegovina  
FEDERACIJA BOSNE I HERCEGOVINE  
FEDERALNO MINISTARSTVO KULTURE I ŠPORTA  
FEDERALNO MINISTARSTVO KULTURE I ŠPORTA  
SARAJEVO

Primljeno		20-03-2026	
Org. jed.	Klasif. oznaka	Broj	Broj priloga
03-36-1-1650-4			26

03  
25.03.2026  
HA  
od  
Hodžević

**FEDERALNO MINISTARSTVO KULTURE I ŠPORTA-  
FEDERALNO MINISTARSTVO KULTURE I ŠPORTA**

**Predmet: Odgovor na vaš akt broj 03-36-1 -1 650-1/26 SA od 19. 3. 2026. godine**

Poštovani,

Federalno ministarstvo kulture i sporta, dana 20.03.2026. godine, je Fondaciji za muzičke, scenske i likovne umjetnosti dostavilo zastupničko pitanje gospodina Ivica Šarića, zastupnika u Zastupničkom domu Parlamenta Federacije Bosne i Hercegovine, postavljeno na 29. redovitoj sjednici Zastupničkog doma Parlamenta Federacije Bosne i Hercegovine, održanoj 11.03.2026. godine, sa zamolbom da se odgovor na zastupničko pitanje dostavi Ministarstvu u najkraćem roku, a najkasnije do 25. 3. 2026. godine kako bi Ministarstvo blagovremeno prosljedilo odgovor na zastupničko pitanje u zakonom propisanom roku.

Predmetnim pitanjem zastupnik zamoljava Federalno ministarstvo kulture i sporta da mu se: ***"U pisanoj formi dostavi informacija sa detaljnim obrazloženjem razloga dodjeljenih sredstava iz odluke O IZBORU KORISNIKA SREDSTAVA FONDACIJE ZA MUZIČKE, SCENSKE I LIKOVNE UMJETNOSTI ZA 2024 GODINU, Sufinansiranje iz oblasti muzičkih, scenskih i likovnih umjetnosti - za fizičke osobe 03.12.2024 god."***

U obrazloženju zastupničkog pitanja je navedeno: ***"Skrenuta je pažnja na određene nelogičnosti razloga dodiele sredstava a u objavljenoj odluci na stranici ministarstva, neke stavke su obrazložene tek samo u dvije riječi."***

Postupajući sukladno zamolbi iz akta Ministarstva, broj i datum veze akta, a na temelju uvida u dostupne podatke iz službene evidencije Fondacije za muzičke, scenske i likovne umjetnosti, Upravni odbor Fondacije za muzičke, scenske i likovne umjetnosti, blagovremeno, dostavlja sljedeći:

**Odgovor na zastupničko pitanje**

Upravni odbor Fondacije za muzičke, scenske i likovne umjetnosti imenovan Rješenjem Vlade Federacije Bosne i Hercegovine o imenovanju Upravnog odbora Fondacije za muzičke, scenske i likovne umjetnosti ("Službene novine Federacije BiH", broj 92/20) u sastavu: Armin Omerović, predsjedatelj, Irma Kalić, članica i Miroslav Ilić, član su sukladno odredbama Pravilnika o procedurama i kriterijima za izbor korisnika sredstava Fondacije za muzičke, scenske i likovne umjetnosti broj 04-1-61/24 od 30.5.2024. godine ("Službene novine Federacije BiH", broj 66/24). i Odlukom o objavi Konkursa/Natječaja za izbor korisnika sredstava Fondacije za muzičke, scenske i likovne umjetnosti za 2024. godinu broj 04-3-100/24 od 16.8.2024. godine objavili Konkurs/Natječaj za izbor korisnika sredstava Fondacije za muzičke, scenske i likovne umjetnosti za 2024. godinu.

Postupak odabira korisnika sredstava Fondacije za muzičke, scenske i likovne umjetnosti po predmetnom Konkursu/Natječaju je bio propisan Pravilnikom o procedurama i kriterijima za izbor korisnika sredstava Fondacije za muzičke, scenske i likovne umjetnosti broj 04-1-61/24 od 30.5.2024. godine ("Službene novine Federacije BiH", broj 66/24). Predmetnim Pravilnikom je, između ostaloga, definirana namjena sredstava Fondacije, pravni i fizički subjekti koji imaju pravo podnošenja prijave za dodjelu sredstava Fondacije, obvezna i ostala dokumentacija po programima za pravne i fizičke subjekte, procedure za izbor korisnika sredstava Fondacije, opći i posebni kriteriji za ocjenjivanje zajedno s bodovnim vrijednostima te tabličnim prikazom razmjera bodova i finansijskih sredstava koja se dodjeljuju na temelju ostvarenih bodova.

Vrednovanje prijavljenih projekata proveo je Upravni odbor Fondacije za muzičke, scenske i likovne umjetnosti, kao nadležno tijelo, na temelju detaljne analize svake pojedinačne prijave, vodeći računa o ispunjenosti formalnih uvjeta, kao i o kvalitativnim aspektima projekata.

Prilikom odlučivanja i vrednovanja pristiglih projekata uzeti su u obzir relevantni parametri kao što su umjetnički kvalitet prijavljenih projekata, njihov značaj za razvoj i promociju kulturno-umjetničkog stvarateljstva, doprinos afirmaciji domaće umjetničke scene, kao i profesionalne reference aplikanata.

*Vezano za navod iz obrazloženja razloga postavljanja zastupničkog pitanja, kako je skrenuta pažnja na određene nelogičnosti razloga dodjele sredstava a u objavljenoj odluci na stranici ministarstva, neke stavke su obrazložene tek samo u dvije riječi, ovim putem pojašnjavam da u predmetnoj odluci nisu obrazlagani razlozi dodjele finansijskih sredstava za konkretne projekte, nego da su u tabličnom dijelu predmetne odluke, pored naziva podnositelja prijave i dodijeljenog iznosa sredstava sadržani samo još podatci o nazivu projekta za koji su dodijeljena sredstva Fondacije.*

Razlozi za dodjelu sredstava za svaki konkretan prijavljeni projekat, kao i obrazloženje za vrednovanje svakog pojedinačnog projekta temelje se na pojedinačnim vrednovanjima i bodovanju projekata sukladno s utvrđenim kriterijima propisanim u Pravilniku o procedurama i kriterijima za izbor korisnika sredstava Fondacije za muzičke, scenske i likovne umjetnosti broj 04-1-61/24 od 30.5.2024. godine ("Službene novine Federacije BiH", broj 66/24).

Na temelju provedenog vrednovanja i bodovanja projekata donesena je konačna odluka o izboru korisnika sredstava, pri čemu su podržani projekti koji su ostvarili najbolje rezultate u postupku ocjenjivanja.

Postupak dodjele sredstava Fondacije za muzičke, scenske i likovne umjetnosti je proveden transparentno i sukladno s načelom jednakog postupanja prema svim

aplikantima. Na kraju, ali ne manje bitno, naglašavamo da na predmetnu odluku nije bilo izjavljenih žalbi niti prigovora.

S poštovanjem,

PREDSJEDNIK UPRAVNOG  
ODBORA

Alen Čustović